

წინამდებარე ხელშეკრულება გაფორმდა ქ. თბილისში, 2024 წლის 7 მარტს
და ძალაშია 2024 წლის 7 მარტიდან - 2025 წლის 31 იანვრის ჩათვლით.

ერთის მხრივ, „საქართველოს პარლამენტის აპარატი“ (მის.: ქ. თბილისი, რუსთაველის გამზ. №8 ბანკი: სახელმწიფო ხაზინა, ბანკის კოდი: TRESGE22, ანგ №: GE24NB0330100200165022, საიდენტიფიკაციო კოდი: 202058245) (შემდგომში - „შემსყიდველი“) წარმოდგენილი მისი უფროსის ქეთევან კვინიკაძის სახით, ხოლო მეორეს მხრივ, შპს „ბურჯი 77“ (მის.: ქ. თბილისი, დიდმის მასივი, VI კვარტალი, კორპუსი 18, ბინა N30, ბანკი: ს.ს. "თიბისი ბანკი", ბანკის კოდი: TBCBGE22, ა/ა: GE48TB7390736050100002 (GEL), ტელ.: +995599176463, საიდენტიფიკაციო კოდი: 405189488) (შემდგომში - „მიმწოდებელი“), წარმოდგენილი მისი დირექტორის ამირან კობიძის სახით, ორივე ერთად წოდებული, როგორც „მხარეები“, სახელმწიფო შესყიდვების შესახებ საქართველოს კანონის 10¹ მუხლის პირველი პუნქტის და სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული ელექტრონული ტენდერის ჩატარების წესის მე-11 მუხლისა და 33-ე მუხლის პირველი პუნქტის შესაბამისად, მიმწოდებლის სატენდერო წინადადების საფუძველზე, 2024 წლის სახელმწიფო ბიუჯეტიდან საქართველოს პარლამენტისათვის გამოყოფილი ასიგნების ფარგლებში, ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ტერმინთა განმარტებები

- 1.1. „სახელმწიფო შესყიდვის შესახებ ხელშეკრულება (შემდგომ - ხელშეკრულება)“ – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, ყველა თანდართული დოკუმენტით.
- 1.2. „ხელშეკრულების ღირებულება“ – საერთო თანხა, რომელზედაც გაფორმებულია ხელშეკრულება.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.5. „დღე, კვირა, თვე“ – კალენდარული დღე, კვირა, თვე.
- 1.6. „შესყიდვის ობიექტი“ – ხელშეკრულების მე-2 მუხლით გათვალისწინებული ხელშეკრულების საგანი.

მუხლი 2. ხელშეკრულების საგანი

- 2.1 შესყიდვის ობიექტია საქართველოს პარლამენტის აპარატის მიერ, შემსყიდველის ბალანსზე არსებული 46 ერთეული გამაგრებელი ჯგუფების (დანართი №1 - „კონდიციონერების ჩამონათვალი“) შეკეთება და ტექნიკური მომსახურება, რაც გულისხმობს, სატენდერო დოკუმენტაციის მოთხოვნების შესაბამისად, კონდიციონერების შეკეთებას, ნაწილების შეკეთებას ან/და შეცვლას. დანართი №1 - „კონდიციონერების ჩამონათვალი“ თან ერთვის ხელშეკრულებას და წარმოადგენს მის განუყოფელ ნაწილს.
- 2.2. გასაწევი მომსახურების დეტალური აღწერილობა მოცემულია დანართში №2 - „ფასების ცხრილი - პრეისკურანტი“, რომელიც თან ერთვის ხელშეკრულებას და წარმოადგენს მის განუყოფელ ნაწილს.
- 2.3. შემსყიდველი უფლებამოსილია მომსახურება შეისყიდოს საჭიროების შესაბამისი მოცულობით.

მუხლი 3. ხელშეკრულების ღირებულება

- 3.1. ხელშეკრულების სავარაუდო ღირებულება შეადგენს არაუმეტეს 5,000.00 (ხუთი ათასი) ლარს.
- 3.2. ხელშეკრულებით გათვალისწინებული შესყიდვის ობიექტის ერთეულის ფასი ასახულია დანართში №2 - „ფასების ცხრილი - პრეისკურანტი“. სახელმწიფო შესყიდვების ერთიან ელექტრონული ვაჭრობის შედეგად მიმწოდებლის მიერ დაფიქსირებული პრეისკურანტის საბოლოო ჯამური ღირებულება შეადგენს - 4,863.74 (ოთხიათას რვაასსამოცდასამი ლარი და 74 თეთრი) ლარს.
- 3.3. ხელშეკრულების საბოლოო ღირებულება განისაზღვრება ხელშეკრულების მე-4 მუხლის 4.1. პუნქტში მითითებული მიწოდების საბოლოო ვადის გასვლის შემდგომ, ფაქტიურად მიწოდებული შესყიდვის ობიექტის ფარგლებში, მხარეთა შორის გაფორმებული მიღება-ჩაბარების აქტ(ებ)ის, მიმწოდებლის მიერ წარმოდგენილი საგადასახადო ანგარიშ-ფაქტურა/ანგარიშ-ფაქტურების (კანონმდებლობით განსაზღვრულ შემთხვევაში) და სასაქონლო ზედნადებ(ებ)ის (კანონმდებლობით განსაზღვრულ შემთხვევაში) შესაბამისად, მაგრამ არაუმეტეს ხელშეკრულების ჯამური სავარაუდო ღირებულებისა. შესაბამისად, ხელშეკრულების ჯამური საბოლოო ღირებულების განსაზღვრა აღარ საჭიროებს მხარეთა შორის დამატებითი წერილობითი შეთანხმების გაფორმებას.
- 3.4. ხელშეკრულების ღირებულება მოიცავს როგორც გასაწევი მომსახურების (ნაწილებისა და მასალების გათვალისწინებით) ღირებულებას, ასევე წინამდებარე ხელშეკრულების შესრულებასთან დაკავშირებულ მიმწოდებლის მიერ გაწეულ ყველა ხარჯს(ტრანსპორტირების ხარჯების ჩათვლით) და საქართველოს

კანონმდებლობით გათვალისწინებულ ყველა სახის გადასახადს, ასევე საფასურისა და მოსაკრებლის ღირებულებას ასეთი ვალდებულების არსებობის შემთხვევაში.

მუხლი 4. შესყიდვის ობიექტის მიწოდების ვადა და ადგილი

4.1. ხელშეკრულებით გათვალისწინებული შესყიდვის ობიექტის მიწოდება უნდა განხორციელდეს პერიოდულად, შემსყიდველი ორგანიზაციის მოთხოვნისა და საჭიროების შესაბამისად, ხელშეკრულების გაფორმებიდან და მისი ძალაში შესვლიდან - არაუგვიანეს 2024 წლის 25 დეკემბრის ჩათვლით, პრეისკუორანტისა და ქვემოთ მოცემული პირობის შესაბამისად:

ა) ყოველ კონკრეტულ შემთხვევაში, შემსყიდველის წერილობითი შეტყობინების (მათ შორის ელექტრონული საკომუნიკაციო საშუალების გამოყენებით) შემდეგ მიმწოდებელმა უნდა უზრუნველყოს კონდიციონერ(ებ)ის დათვალიერება მიმართვიდან არაუგვიანეს 2 (ორი) სამუშაო დღეში, რის შემდეგაც ამავე ვადაში მხარეები ადგენენ დეფექტურ აქტს, რომელშიც მითითებული უნდა იყოს გასაწვევი მომსახურების დეტალური აღწერა, ერთეულის და საერთო ღირებულება, მომსახურების გაწვევის კონკრეტული ვადები და სხვა მონაცემები.

ბ) ყოველ კონკრეტულ შემთხვევაში, მიმწოდებლის მიერ კონდიციონერების შეკეთება და ტექნიკური მომსახურების გაწევა უნდა განხორციელდეს დეფექტურ აქტით განსაზღვრულ ვადებში.

4.2. ხელშეკრულებით გათვალისწინებული შესყიდვის ობიექტის მიწოდება უნდა განხორციელდეს შემდეგ მისამართზე: ქ. თბილისი, რუსთაველის გამზირი №8, საქართველოს პარლამენტის სასახლე.

მუხლი 5. მხარეთა ვალდებულებები

5.1. „მიმწოდებელი“ ვალდებულია:

5.1.1. უზრუნველყოს ხელშეკრულების მე-2 მუხლით გათვალისწინებულის შესყიდვის ობიექტის მიწოდება ნივთობრივად ან/და უფლებრივად უნაკლო მდგომარეობაში, ხელშეკრულების პირობების შესაბამისად,

5.1.2. უზრუნველყოს შემსყიდველისთვის მაღალხარისხიანი მომსახურების გაწევა (მიწოდებული შესყიდვის ობიექტის ხარისხი უნდა შეესაბამებოდეს დადგენილ სტანდარტებს (ასეთის არსებობის შემთხვევაში)), ხოლო ნაწილ(ებ)ის შეცვლის შემთხვევაში არსებული ნაწილ(ებ)ი უნდა შეცვალოს მაღალი ხარისხის ნაწილ(ებ)ით.

5.1.3. გაავრცელოს შესყიდვის ობიექტზე გარანტია მიღება-ჩაბარების აქტის გაფორმების დღიდან 6 (ექვსი) თვე. საგარანტო ვადის განმავლობაში მიმწოდებელმა საკუთარი ხარჯებით (ტრანსპორტირების ხარჯების ჩათვლით) უნდა აღმოფხვრას ექსპლუატაციის პროცესში გამოვლენილი ნებისმიერი ხარვეზი/წუნი, საჭიროების შემთხვევაში უზრუნველყოს წუნდებული შესყიდვის ობიექტის შეცვლა ახლით, ასეთი ნაკლის შესახებ შემსყიდველის მიერ მიმწოდებლისათვის შესაბამისი წერილობითი შეტყობინებიდან (მათ შორის ელექტრონული საკომუნიკაციო საშუალების გამოყენებით) ხელშეკრულების 4.1 პუნქტით გათვალისწინებულ ვადებში. ქარხნული წუნის შემთხვევაში ყველა ნაწილი ექვემდებარება შეცვლას.

5.1.4. უზრუნველყოს მომსახურების გაწევა „ატმოსფერული ჰაერის დაცვის შესახებ“ საქართველოს კანონის 54 პრიმა მუხლის და „მაცივარაგენტზე მომუშავე მოწყობილობების მომსახურე ტექნიკოსების სერტიფიცირების წესის დამტკიცების შესახებ“ საქართველოს მთავრობის 2017 წლის 22 ივნისის #302 დადგენილების თანახმად სერტიფიცირებული ტექნიკოს(ებ)ის: ალექო ჭელიძის მიერ. ხელშეკრულებით გათვალისწინებული მომსახურების გაწევის პერიოდში, სერტიფიცირებული ტექნიკოსის დამატება ან/და ჩანაცვლება დასაშვებია მხოლოდ შემსყიდველთან წერილობითი შეთანხმებით.

5.1.5. დაიცვას იმ ინფორმაციის კონფიდენციალურობა, რომელიც შესაძლოა მისთვის ცნობილი გახდეს ხელშეკრულებით ნაკისრი ვალდებულებების შესრულების დროს.

5.1.6. განახორციელოს ამ ხელშეკრულებით მასზე დაკისრებული სხვა ვალდებულებები.

5.2. „შემსყიდველი“ ვალდებულია:

5.2.1. უზრუნველყოს მიწოდებული შესყიდვის ობიექტის ღირებულების ანაზღაურება ხელშეკრულების პირობების შესაბამისად.


5.2.2. განახორციელოს ამ ხელშეკრულებით მასზე დაკისრებული სხვა ვალდებულებები.

მუხლი 6. ხელშეკრულებით ნაკისრი ვალდებულებების შესრულების კონტროლი და ზედამხედველობა

6.1. მიმწოდებლის მიერ ხელშეკრულებით ნაკისრი ვალდებულებების შესრულების კონტროლსა და ზედამხედველობას, ხელშეკრულების მიმდინარეობის ნებისმიერ ეტაპზე (ასევე, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებ(ებ)ის არსებობის შემთხვევაში), განახორციელებენ შემსყიდველის მიერ გამოყოფილი კონტროლის განმახორციელებელი პირ(ებ)ი, კერძოდ: საქართველოს პარლამენტის აპარატის სამეურნეო უზრუნველყოფის დეპარტამენტის სამშენებლო-სარემონტო სამუშაოების, საინჟინრო უზრუნველყოფისა და შრომის უსაფრთხოების დაცვის განყოფილების წამყვანი

სპეციალისტი **ჯემალ მანანაძე** ან/და ამავე დეპარტამენტის შესყიდვებისა და მომარაგების განყოფილების უფროსი სპეციალისტი გრიგოლ მეგრელიშვილი (ერთობლივად ან ცალ-ცალკე).

კონტროლის განმახორციელებელი პირ(ებ)ის ხელმოწერები:



6.2. ხელშეკრულების მიმდინარეობის კონტროლის მიზანს წარმოადგენს:

- 6.2.1. შესყიდვის ობიექტის მიწოდების ვადების ხელშეკრულების მოთხოვნებთან შესაბამისობის დადგენა;
 - 6.2.2. შესაბამისი შემოწმების აქტის საფუძველზე შესყიდვის ობიექტის ან/და მისი ნაწილის ხარისხის ხელშეკრულების მოთხოვნებთან შესაბამისობის დადგენა;
 - 6.2.3. ხელშეკრულების პირობების შესაბამისად, მიმწოდებლის მიერ წარმოდგენილი დოკუმენტების საფუძველზე, ხელშეკრულებით ნაკისრ ვალდებულებ(ებ)ზე ზედამხედველობის განხორციელება.
- 6.3. კონტროლის განხორციელების შედეგად ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება "მიმწოდებელს" საქართველოს კანონმდებლობით დადგენილი წესით.

მუხლი 7. შესყიდვის ობიექტის მიღება-ჩაბარების წესი

- 7.1. შესყიდვის ობიექტი მიწოდებულად ჩაითვლება მხოლოდ მხარეებს შორის შესაბამისი მიღება-ჩაბარების აქტის გაფორმების შემდეგ.
- 7.2. მიღება-ჩაბარების აქტი მხარეთა შორის გაფორმდება ფაქტობრივად მიწოდებული შესყიდვის ობიექტის შესაბამისად.
- 7.3. „შემსყიდველის“ მხრიდან მიღება-ჩაბარების აქტზე ხელმოწერის უფლებამოსილება ენიჭება ხელშეკრულების 6.1 პუნქტში მითითებულ პირ(ებ)ს (ერთობლივად ან ცალ-ცალკე).

მუხლი 8. ანგარიშსწორების ფორმა და ვადა

- 8.1. ანგარიშსწორება განხორციელდება ფაქტობრივად მიწოდებული შესყიდვის ობიექტის მიხედვით, შესაბამისი საანგარიშსწორებო დოკუმენტაციის (კერძოდ, მიმწოდებლის მიერ წარმოდგენილი საგადასახადო ანგარიშ-ფაქტურა (კანონმდებლობით განსაზღვრულ შემთხვევაში) და სასაქონლო ზედნადები (კანონმდებლობით განსაზღვრულ შემთხვევაში) ანდა გამოწერილი საგადასახადო დოკუმენტის (საგადასახადო დოკუმენტის გამოწერის შემთხვევაში სასაქონლო ზედნადების ან საგადასახადო ანგარიშ-ფაქტურის (მათ შორის, სპეციალური საგადასახადო ანგარიშ-ფაქტურის) გამოწერის ვალდებულება არ წარმოიშობა) და მხარეთა შორის გაფორმებული მიღება-ჩაბარების აქტი) წარმოდგენის შემდეგ, უნაღდო ანგარიშსწორებით, ეროვნულ ვალუტაში - ლარში, მიმწოდებლის მიერ წინამდებარე ხელშეკრულებაში მითითებული საბანკო რეკვიზიტების მიხედვით.
- 8.2. ანგარიშსწორება განხორციელდება შესაბამისი საანგარიშსწორებო დოკუმენტაციის სრულად წარმოდგენიდან/გაფორმებიდან არა უგვიანეს 10 (ათი) სამუშაო დღის განმავლობაში. თუ მიმწოდებელს ხელშეკრულების პირობების შეუსრულებლობისათვის დაკისრებული აქვს პირგასამტეხლოს თანხა ან ფიქსირდება ურთიერთ შეუსაბამობა საანგარიშსწორებო დოკუმენტაციაში ან ხელშეკრულებით გათვალისწინებულ პირობებთან - ანგარიშსწორება ხორციელდება ამ პუნქტით გათვალისწინებულ ვადებში მას შემდეგ, რაც წარმოდგენილი იქნება პირგასამტეხლოს სრულად გადახდის დამადასტურებელი დოკუმენტაცია საანგარიშსწორებო დოკუმენტაციასთან ერთად ან წარმოდგენილი იქნება კორექტირებული საანგარიშსწორებო დოკუმენტაცია.
- 8.3. ანგარიშსწორება განხორციელდება ხაზინაში რეგისტრირებული ვალდებულების ფარგლებში.

მუხლი 9. პირგასამტეხლო ხელშეკრულების პირობების შეუსრულებლობისათვის

- 9.1. მიმწოდებლის მიერ ხელშეკრულების 4.1. პუნქტის და 5.1.3 ქვეპუნქტით ნაკისრი ვალდებულებების შესრულების ვადის გადაცილების შემთხვევაში, მიმწოდებელს დაეკისრება პირგასამტეხლო, ყოველ ვადაგადაცილებულ სრულ/არასრულ დღეზე ხელშეკრულების ღირებულების 0.2%-ის ოდენობით. იმ შემთხვევაში თუ მიმწოდებლის მიერ ვადების გადაცილებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%, მაშინ შემსყიდველს უფლება აქვს გავიდეს ხელშეკრულებიდან და მოსთხოვოს მიმწოდებელს გასვლის მომენტისთვის გადასახდელი პირგასამტეხლოს ანაზღაურება.
- 9.2. მიმწოდებლის მიერ ხელშეკრულებით ნაკისრი ვალდებულებების სხვა სახის არაჯეროვანი შესრულების შემთხვევაში, გარდა ხელშეკრულების 9.1. და 9.3. პუნქტებით გათვალისწინებული შემთხვევებისა, მიმწოდებელს დაეკისრება პირგასამტეხლო, ყოველ ასეთ შემთხვევაზე ხელშეკრულების ღირებულების 0.5%-ის ოდენობით. იმ შემთხვევაში, თუ მიმწოდებლის მიერ ხელშეკრულებით ნაკისრი ვალდებულებების სხვა სახის არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%, მაშინ შემსყიდველს უფლება აქვს გავიდეს ხელშეკრულებიდან და მოსთხოვოს მიმწოდებელ მხარეს

ხელშეკრულებიდან გასვლის მომენტისთვის გადასახდელი პირგასამტეხლოს ანაზღაურება.

9.3. მიმწოდებლის მიერ ხელშეკრულების ნაწილობრივი შესრულების შემთხვევაში, მიმწოდებელს დაეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

9.4. მიმწოდებლის მიერ ხელშეკრულების პირობების სრული შეუსრულებლობის შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 20%-ის ოდენობით.

9.5. შესაბამისი საანგარიშსწორებო დოკუმენტაციის სრულად წარმოდგენის შემდგომ, შემსყიდველის მიერ ხელშეკრულების 8.2. პუნქტით გათვალისწინებული ვადის დარღვევის შემთხვევაში შემსყიდველს დაეკისრება პირგასამტეხლო ყოველ ვადაგადაცილებულ სრულ/არასრულ დღეზე ხელშეკრულების ღირებულების 0.2%-ის ოდენობით, გარდა იმ შემთხვევისა, როდესაც ვადის დარღვევა გამოწვეულია სახელმწიფო ხაზინის ან მიმწოდებლის ბანკის ბრალეულობით.

9.6. მიმწოდებლის მიერ პირგასამტეხლო გადახდილი უნდა იქნეს შეტყობინების მიღებიდან არაუგვიანეს 5 (ხუთი) სამუშაო დღის ვადაში. პირგასამტეხლოს (დავალიანების) არასრულად გადახდის შემთხვევაში მიმწოდებელს საგადახდო დავალების თარიღის დღიდან კვლავ ეკისრება ამ მუხლით გათვალისწინებული თითოეული სანქციის მიხედვით გათვალისწინებული პირგასამტეხლოს გადახდის ვალდებულება დავალიანების სრულად დაფარვამდე, რომლის ოდენობასაც მიმწოდებელი თავად ანგარიშობს გადახდის დღის ჩათვლით.

9.7. მხარეები სრულად ანაზღაურებენ ბრალეული ქმედებით (მოქმედებით ან უმოქმედობით) მეორე მხარისათვის მიყენებულ ზიანს.

9.8. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

მუხლი 10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ჩაითვლება ხელშეკრულების განუყოფელ ნაწილად (გარდა ხელშეკრულების მე-3 მუხლის 3.3 პუნქტისა).

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. პრეისკურანტში რომელიმე ერთეულის არარსებობისას, აღნიშნული ერთეულის ფასი მისი შესყიდვის აუცილებლობისას, დგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში პრეისკურანტში რომელიმე ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

10.4. მიმწოდებლის მიერ ხელშეკრულების პირობების შეუსრულებლობისას, აგრეთვე იმ შემთხვევაშიც თუკი შესყიდვის ობიექტის მიწოდების ვადის დადგომამდე გონივრულ ვადაში შემსყიდველისათვის ცნობილი გახდება მიმწოდებლის მიერ ხელშეკრულებით ნაკისრი ვალდებულების შესრულების შეუძლებლობის შესახებ, მაშინ შემსყიდველი ორგანიზაცია უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მიმწოდებელს გონივრულ ვადაში, მაგრამ არაუგვიანეს 2 (ორი) კალენდარულ დღეში, წერილობით ან კომუნიკაციის ელექტრონული საშუალებების გამოყენებით. ამასთანავე, მიმწოდებელს ეკისრება 9.4 პუნქტით გათვალისწინებული პირგასამტეხლოს გადახდის ვალდებულება.

10.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10.6. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

მუხლი 11. დავები და მათი გადაწყვეტის წესი

11.1. ხელშეკრულების შესრულების პროცესში მხარეთა შორის წარმოშობილი დავა წყდება მორიგებით.

11.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს მოქმედი კანონმდებლობის შესაბამისად.

მუხლი 12. ფორს-მაჟორი

12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია ფორს-მაჟორის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12.2. თუ ერთ-ერთი მხარე ფორს-მაჟორული მდგომარეობის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

12.3. მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე.

მუხლი 13. სხვა პირობები

13.1. შემსყიდველის მხრიდან წინამდებარე ხელშეკრულებაზე ხელმოწერი პირი და ასევე კონტროლის განმახორციელებელი პირ(ებ)ი ადასტურებენ, რომ მიმწოდებლის მიმართ სრულად აკმაყოფილებენ „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს და მათი მონაწილეობა აღნიშნულ შესყიდვაში არ იწვევს ინტერესთა კონფლიქტს.

13.2 წინამდებარე ხელშეკრულება შედგენილია ელექტრონულად, ქართულ ენაზე, რომლის ყოველი ელექტრონული ეგზემპლარი, დამოწმებული/დადასტურებული კვალიფიციური ელექტრონული ხელმოწერით/კვალიფიციური ელექტრონული შტამპით, წარმოადგენს ორიგინალს.

13.3. წინამდებარე ხელშეკრულება ძალაშია და მოქმედებს საგარანტიო მომსახურების ნაწილში ხელშეკრულების მე-5 მუხლის 5.1. პუნქტის 5.1.3 ქვეპუნქტით განსაზღვრული ვადის შესაბამისად, ხოლო დანარჩენ ნაწილში - ხელშეკრულების თავში მითითებული ვადების მიხედვით.

„შემსყიდველი“
საქართველოს პარლამენტის
აპარატის უფროსი



„მიმწოდებელი“
შპს „ბურჯი 77“ -ს დირექტორი

ქეთევან კვინიკაძე

ამირან კოხობე

დანართი №1 - „კონდიციონერების ჩამონათვალი“

N	კონდიციონერების დასახელება	რაოდენობა (ცალი)	დამონტაჟებულია
1	2	3	4
1	HYUNDAI BTU 18000	13	2015 წ
2	HYUNDAYI BTU 24000	16	2015 წ
3	GREE GWH 24 ND	3	2015 წ
4	BEKO BXK 180/181	6	2015 წ
5	BEKO BXK 240/241	1	2015 წ
6	BOSCH 18000 BTU	1	2009 წ.
7	Vox 18000 BTU	1	2017წ
8	Vox 12000 BTU	1	2016წ
9	Carrier 38HDTO70	4	2004წ
სულ:		46	

„შემსყიდველი“
საქართველოს პარლამენტის
აპარატის უფროსი



[Handwritten signature in blue ink]

ქეთევან კვინიკაძე

„მიმწოდებელი“
შპს „ბურჯი 77“ -ს
დირექტორი

ამირან კოხობე

დანართი №2 - „ფასების ცხრილი - პრეისკურანტი“

№	მომსახურების ჩამონათვალი (შესაცვლელი დეტალ(ებ)ის გათვალისწინებით)	რაოდ.	მიწოდების მიერ შემოთავაზებული - მომს. ერთ. ღირ. შესაცვლელი დეტალ(ებ)ის გათვალისწინებით (ლარი)
1	2	3	4
1	ფრეონის დამატება (R-417)	100 გრ.	7.84
2	ფრეონის დამატება (R-407-410)	100 გრ.	7.84
3	სისტემის ვაკუმიზაცია	1 ჯერადი	83.30
4	სრული დატენვა გაზით	1 ჯერადი	117.60
5	შიდა ბლოკის (ფილტრი, რადიატორი, ვენტილატორი) გაწმენდა	1 ჯერადი	73.50
6	გარე ბლოკის გაწმენდა	1 ჯერადი	63.70
7	დემონტაჟი შიდა ბლოკის	1 ცალი	78.40
8	დემონტაჟი გარე ბლოკის	1 ცალი	78.40
9	მონტაჟი შიდა ბლოკის	1 ცალი	88.20
10	მონტაჟი გარე ბლოკის	1 ცალი	88.20
11	არასტანდარტული მონტაჟი გარე ბლოკის	1 ცალი	196.00
12	დრენაჟის სისტემის მოწოდება შეცვლა ახლით	1 გრძ.მ	14.70
13	შიდა ბლოკის ძრავის შეკეთება	1 ცალი	83.30
14	შიდა ბლოკის ჟალუზის შეკეთება	1 ცალი	44.10
15	მართვის პლატის მოხსნა-შეკეთება და დაყენება	1 ჯერადი	147.00
16	სისტემის გაჟონვის მოძებნა და ლიკვიდაცია	1 ჯერადი	117.60
17	ჰაერგამანაწილებელი ევრანის მონტაჟი	1 ცალი	49.00
18	ამწეკრანის მომსახურება 17 მეტრამდე	1 სთ	245.00
19	შიდა ბლოკის ვენტილატორის მოწოდება შეცვლა ახლით	1 ცალი	147.00
20	გარე ბლოკის ვენტილატორის მოწოდება შეცვლა ახლით	1 ცალი	196.00
21	შიდა ბლოკის ვენტილატორის ელ.ძრავის მოწოდება შეცვლა ახლით	1 ცალი	196.00
22	გარე ბლოკის ვენტილატორის ელ.ძრავის მოწოდება შეცვლა ახლით	1 ცალი	245.00
23	თერმოდაჩიკის მოწოდება შეცვლა ახლით	1 ცალი	63.70
24	გამშვები კონდენსატორის მოწოდება შეცვლა ახლით	1 ცალი	73.50
25	პლატის ტრანსფორმატორის მოწოდება შეცვლა ახლით	1 ცალი	49.00
26	მართვის პლატის მოწოდება შეცვლა ახლით	1 ცალი	343.00
27	ელ.კლაპანის მოწოდება შეცვლა ახლით	1 ცალი	83.30
28	პულტის მოწოდება შეცვლა ახლით	1 ცალი	44.10
29	მაკავშირებელი (სპილენძის მილების) კომპლექტის მოწოდება შეცვლა ახლით	1 კომპ.	245.00
30	კომპრესორის მოწოდება შეცვლა ახლით 18000BTU	1 ცალი	735.00

31	კომპრესორის მოწოდება შეცვლა ახლით 24000BTU	1 ცალი	833.00
32	სხვადასხვა ზომის კაბელ არხის მოწოდება მოწყობა ახლით	გრძ.მ.	14.70
33	შესაფუთი მასალის მოწოდება-მოწყობა	გრძ.მ.	11.76
პრეისკურანტის ჯამური ღირებულება:			4,863.74

„შემსყიდველი“
საქართველოს პარლამენტის
აპარატის უფროსი



[Handwritten signature in blue ink]

ქეთევან კვინიკაძე

„მიმწოდებელი“
შპს „ბურჯი 77“-ს
დირექტორი

ამირან კოხოძე